

IV

- Seigneurs, celle pucelle dont je vous segnefie,
De biaulté terrienne estoit si bien garnie,
Que cascuns qui le voit en a sur elle envie.
132 Quant sen pere le voit en biaulté si furnie,
Tant l'amoit de bon ceur, n'est homs qui le vous die.
Maint prinche souffissant de moult grant seignourie
136 Demandoient le belle que de scens fu garnie,
Mais li rois l'escondist; a homme ne l'otrie,
Et dist dedens son ceur, pensans plus d'une fie,
140 Que jammais homs fors luy ne l'ara a anye.
Or croist a la puchelle grant paine et grant haschie.
De couquier o son pere moult forment se hontie,
Et li disoit: «Biaux peres, pour Dieu je vous en prie,
144 Qu'a par moy, s'y vous plect, je puisse estre couchie.
— Taisiés, ma belle fille, fait il, n'en parlés mie!
Ja ne genrés ailleurs, tant qu'äie au corps la vie.»
Quant la belle l'entent, tout li sangs li fremie,
Se disoit bellement: «Douce Viege Marie,
148 Que du corps Jhesucrist fus en loy raemplie,
Ne voeuillés consentir, dame, je vous en prie,
Que mes peres vers moy ait volenté cangie
152 D'athouchier a mon corps; trop seroie honnie.
Mieux ameroie assés que je fusse brüe
Que d'ung si fait pechiet fusse ja entequeie.»
Si faittement disoit Elaine l'adrechie,

149 voeulle.

Var. L: 132 v. de Dieu le beneye; 135a Qui en outrent parler chascun le cuert et prie; 136 Et demandent la belle que de s. est furnie; 136a Et de toute bonté parfaitement emple; 137 Le roy les escondist trestous a une fie; 139 sus luy ne l'ara en baillie; 141 purement; 142 disoit bien pere par amour je vous prie; 144 Dist il ma belle fille taisiés; 145 l. que setés en v.; 147 bien souvent; 150 ait folle pourchassie; 151 omis; 152 d'estre en ung feu b.; 153 Que de autel pechié ja fusse empeschie.

V

- Et Anthoines, li rois, met en luy s'estudie.
156 N'oze faire son gré, et volenté l'aigrie.
Anemis le souprenent et le sien ceur maistrise,
Car plaisance et amour et s'entente a ficquie
160 En le voie et ou scens que se fille jolie
Prendera a moullier et en fera s'amie.
4 r°
- Ainsi li rois Anthoines que tant ot hardement
Fu soupris de se fille par amoureux talent.
Delés lui le couchoit et baisoit douchement,
164 Mes elle se gardoit de sen avanchement.
Or avint a che temps dont je fay parlerent
Que li sains apostoles c'on apelloit Climent
Fu asis dedens Rome de le patienne gent,
168 Car li fors rois Bruians ot fait rassablement.
IIIe, mille Turs, se l'istotre ne ment
Avoit aveucques luy; s'orent pris logement
Devant Rome le grant, et l'assailent souvent,
172 Pour confondre no loy ou ne croient noyent.
Et quant li apostoles vit le herbergement,
Cardinaux et legaux apella haultement,
Et leur a dit: «Seigneur, or oies mon talent!
176 Vechy le roy Bruyant que de guerre me prent.
Ne me laira durer ensy ne autrement.
Tant a o luy de Turs, je le voy clerement,
Se tous estiemes char, bien croy tout vraiment,
180 Ne feroient de nous c'un seul desgeunement.

170 aveuc; 172 creoiert; 178 a manque.

Var. L: 156 son fait et volenté l'arguie; 158 omis; 159 En la voie a son cuert; 161 Moult fut le roy; 162 Fort surpris; 168 le fier r.; 169 De bien cent mille; 170 s'avoit fait; 172 le roy et escléchier no gent; 173 leur encombrement; 174 doucement; 179 je le voy v.